

心小腸部

丹燥瘰癧 丹毒風毒 瘰癧瘡 口瘡唇瘡 疥癩 疥癩 紫白癩風 附白面瘡  
 婦人陰瘡 膝瘡 脚氣瘡 足跟瘡 耳內瘡 腎虛風陰瘡 下疳瘡  
 反花瘡 惡瘡 雜瘡 疔瘡 癩瘡 凍瘡 手足皸裂脚縫爛  
 竹木刺入肉 箭頭入肉 漆瘡 癩撲損傷 金瘡 杖瘡 湯火傷  
 蜈蚣咬 蠍咬 蝎咬 斑蜘蛛咬 通治諸般惡虫蛇咬 毒蛇咬  
 馬虎熊犬咬 癩犬咬 驢涎馬汗瘡 附猪馬畜瘡方

八

醫百學子綱目

二七



醫學綱目卷之二十

心小腸部



丹熯瘰癧 丹毒風丹 瘰癧 疥 癬 紫

白癩風白禿 面瘡 癩頭瘡 口瘡唇瘡 牙

疳瘡 耳內瘡 腎臟風陰瘡 下疳瘡 婦人

陰瘡 膝瘡 脚氣瘡足跟瘡 凍瘡 手足皸

裂 脚縫爛 反花瘡 惡瘡 雜瘡 疥 疔

丹發班屬風熱 風熱挾痰而作自裏而發於外通聖散

中消息當以微汗散之非理防風通聖散方見顛癩門

羅時毒疔瘡漏蘆散治臟腑積熱發為腫毒時疫疔瘡頭

面洪腫咽嗑堵塞水藥不下一切危惡疫癘

漏蘆 升麻 大黃 黃芩各一兩

藍葉 玄參各二兩

右為粗末每服二錢水煎腫熱甚加芒硝二錢半

大法微汗散之

實熱下之

消毒丸治時毒疔瘡惡症

大黃

牡蠣燒

白姜炒各一兩

右為細末煉蜜丸彈子大新水化下九無時內加桔梗黍粘子湯尤妙

虛者補之降之

內臺秘要○扁竹即扁蓄

丹治丹癸疼痛扁竹汁服一升二合立瘥若未瘥再服效

所致宜補以降之

掌治一中年男子癰潰後發熱乾嘔背發丹癸用諸般敷

貼丹癸藥及用刀於箇上丹頭出血丹皆不退後以半陳

生姜加補劑治嘔不效遂純用參半兩歸木各錢半濃煎

一貼嘔止二三貼丹漸緩熱漸減約五十餘貼熱始除神

氣始復

運氣運氣丹癸背屬火經云少陽司天客勝則丹癸外發及為

丹癸是也

雜方

無治諸腫丹毒伏龍肝不拘多少為末用雞子白和傳之

日三次甚妙

治一切丹毒金花散

欒金

黃芩

甘草

山柘

大黃

黃連

糯米

右七味等分生為末用蜜和水調服

本治烟火丹發從背起或兩脇及兩足赤如火景天草真

珠末一兩搗和如泥塗之又方治螢火丹從頭起慎火草

搗和苦酒塗之

丹丹毒監澱傳熱即易子母秘錄

丹丹者惡毒之瘡五色無常苧根三斤水三斗煮汁每日

塗之

世治赤丹用黃瓜種中穢水去子以器貯之用時以水塗患處又方用臘雪貯器中久化為水以水塗赤游妙

丹諸丹毒腫蛇剛矢水和傳之聖惠方外臺同

千瘡丹癩疹方酪和鹽煮以塵之手下消

丹治赤游風腫蕎麥苦酒調傳兵部手集

楊治熱赤游丹毒括萹末二大兩醞醋調塗之

外凡丹走皮中浸淫名火丹本方取躋躄傳之先刺破傳之良

針灸 肝丹者惡毒之瘡五色無常治之煮栗皮有刺者洗之佳

保治金絲瘡云紅絲瘡其狀如線或如繩巨細不一經

謂丹毒是也但比烟毒不甚廣濶人患此頭上有之下行

至心則死下有之上行者亦然可於瘡頭截經刺之出血

後嚼萍草根塗之自安

診

無丹毒自腹内生出四肢者則易愈自四肢入腹者則難

治 丹人有病面上忽見紅點者多死

丹毒風丹痛者為丹毒癢者為風丹

賈宅小娘風痒黃精丸四十粒與

白朮分七 枳實炒 黃芩錢四

右分六貼下之食前

遍身風痒癩疹凌霄花細末酒下一錢立止

鮑允中年五十歲風丹痒甚腹微疼咽不利面身微腫五

六日不退兩寸脉滑大實右浮大左浮弦小以炒芩炒連

歸芎芍地桔草黍粘紫葳各一錢防風黃芪各半錢凡五

六貼而安

世河間神佑丸治風丹愈而復發或隔一月發或隔半年

滯發為積門脹

愈而復滯發為積

丹 一人患風丹遍身痒因酒得者

- 浮萍兩半
- 防風
- 黃芪
- 羌活三
- 當歸二錢
- 乾葛
- 麻黃錢一
- 生甘草錢半

世治冷丹風

- 防風
- 甘草
- 白芷
- 白姜蚕
- 鱧腿
- 川芎
- 白芷
- 茯苓
- 荊芥
- 陳皮
- 厚朴
- 蒼耳子
- 人參

右為末豆淋酒調二錢

世丹痒者用韭葉揅些鹽與香油以手摩熱於丹上措之立愈兒門治風丹川山甲洗去腥於瓦上炒過存性每一兩入甘草三錢為末米飲調服治血風疔瘡瘡癩瘡淨萍取自然汁豆淋酒下四物浸酒下亦得丹用羊蹄菜根於生鐵上以好醋磨旋旋刮取塗患處未

瘡更入硫黃少許磨之聖惠方

瘡

瘡小癩世謂之熱癩是也王註云大如酸棗或如豈色赤而內有膿血也

風濕

汗出見濕乃生瘡癩癩為瘡癩也

勞汗當風寒薄為皴皴乃瘡瘡色赤膜內有膿血旋覆花丸

- 旋覆花兩
- 防風
- 白芷
- 甘菊
- 南星
- 半夏
- 石膏
- 川芎
- 陳皮
- 白附子各半兩
- 錫梢
- 姜蚕炒各三錢
- 右細末姜糊丸桐子大姜湯下三五丸食後

疹似傷寒暴發暴消世訛為瘡子者是也疹似疹而延歲

月或乾濕瘡痛不一經所謂癩疹是也癩亦延歲月乾而不濕瘡而不痛是也

**丹**疹屬熱與痰在肺清肺火降痰或解散出汗亦有可下者疹在表者消毒飲子防風通聖散在裏者大柴胡湯四順飲子虛者補中益氣湯皆同傷寒施治也

**聖**治風癩入腹身軀強舌乾燥用蔓青子三兩為末每服溫酒下三錢七

運氣疹者有二

一曰熱經云火鬱之發民病瘍癰又云歲木不及燥乃大行復則炎暑流火瘡瘍癰疹又云少陰之復民病癰疹是也

二曰風經云歲水不及濕乃大行復則大風暴發肌肉疹發是也

表

疥

**河**防風通聖散治風熱瘡疥久不愈方見癩門

**丹**朱院君三十餘久患癩疹身痺而紫色可與防風通聖散加牛旁子為極細末每二錢水盞半入姜汁冷辣煎食前熱飲之

麻黃飲治土跡生瘡或痒或痛黃水浸漬結痂推起延蔓於三陽之分根窠小帶紅腫此是濕熱症

麻黃半兩去根留節防風兩半羌活 石膏六錢

黃芩錢四滑石兩一陳皮 紫萍各七錢半

黍粘子七錢縮砂二錢蒼耳草三錢蒼朮兩半

生甘草半三錢薄荷葉半一錢荆芥二錢

右咬咀每大錢重水一鍾半猛火煎取六分入好酒四五滴去香熱服須得通身有汗其瘡自安甚者服至百

服之後看汗出到何處若自上而下出過脚腠其瘡自愈

局消毒散 丹溪云消毒散氣表藥也

防風兩 甘草二 荆芥穗三 黍粘子兩

右為粗末每服三錢水一盞煎至七分去渣食後溫服

初虞世治皮膚風熱遍身生癩疹牛旁子浮萍等分以薄

荷湯調下三錢日二服

丹何小官生瘡小便黃用通聖散一錢半煎下黃精九

楊三哥女生瘡午後發熱日間惡寒形削食少

白朮錢 連翹錢 煎下黃精九三十粒

恒每風瘡大風病相似好桑葉洗蒸一宿日乾末湯下三

錢七 經方 聖治風遍身癩疹疼痛成瘡用白姜蚕少許焙黃細研為

挾血虛

雜方

米酒服立瘥

子和穎臯韓吉卿自髀至足生濕蘞大者如錢小者如豆  
痒則搔破水到則浸滯狀類虫行袴襪愈而復生癩痕成  
四十餘年不瘥戴人哂之曰此濕蘞瘡也由水濕而得故  
多在足下以舟車漕川天下十餘行一去如掃

山癩疹入腹亦能殺人用蚕沙濃煎湯洗之

衍有人病遍身風熱細疹痒痛不可任連腦脛臍腹及近  
隱處皆然涎痰亦多夜不得睡以苦參末一兩皂角二兩  
水一升揉濾取汁銀石器熬成膏和苦參為丸如桐子大  
食後溫水服二十九次日便愈

子和有樵夫來買苦參欲治疥不識藥性緩急但聞人言  
可治濃煎一碗服之須臾大吐涎一盆二二日疥作痲矣  
丹一上散治諸般疥瘡或痛或痒或喜湯火烘洗者

雜方

蛇床子一兩雄黃一兩 硫黃二錢半 白礬兩  
 黃連兩 黑狗脊兩 寒水石一兩 班毛十四 去  
 吳茱萸三錢 白膠香一兩 銅銹過 研  
 右為細末香油調傳治疥瘡先用蒼耳草或羊不食草  
 藤煎濃湯洗去瘡痂然後用前藥傳可三次愈  
 小兒面瘡通面爛無全膚膿水流瀉百藥不効者陳年臘  
 猪油不入鹽者傳之神効兒出  
 又諸般疥瘡加減法 腫多加白芷開鬱 痛多加白芷  
 方解石 痒多加枯礬 陰囊瘡加茱萸濕多香油調  
 乾痒出血多加大黃黃連猪脂調 虫多加蕪荑錫灰棋  
 柳熬蘆班毛紅色加黃丹青色加青黛 瘡在上多  
 服通聖散 在下多以藏用丸下 脚腫出血加血分濕  
 熱藥

熱膿胞瘡治熱為主

黃芩 黃連 大黃各三錢 蛇床子  
 寒水石二錢 黃丹五分 白礬一錢 輕粉  
 白芷 無名異各少 木香少許 痛者加  
 右為細末麻油調塗  
 又瘡藥膿窠治熱燥濕為主 重瘡如癰狀退熱殺虫為  
 主 乾疥瘡開鬱為主加吳茱萸  
 蕪荑 黑狗脊殺 獐腦一錢 松香頭上多  
 白礬 雄黃 硫黃 水銀殺  
 黃連 方解石分 蛇床子定痒 松皮灰膿腫  
 之加  
 羅間茹散治疥經年不瘥  
 水銀錢 好茶錢 間茹錢 輕粉少

右為細末每用不拘多少麻油調塗之

**世治疥癬**以臘月猪脂不拘多少同生白礬杏仁加輕粉搗爛擦之陳無擇云杏仁輕粉最殺虫甚妙

**本治疥不問新久方**

白蕪荑兩 檳榔 吳茱萸兩各半 硫黃二錢

右為末麻油調抓破搯之

**丹砂瘡殺虫為主**

蕪荑二錢 剪草錢 蛇床子錢三 白礬一錢

明礬一錢 吳茱萸錢 蒼朮 厚朴皮

雄黃各半 寒水石錢 黃柏二錢 輕粉盞

**世治砂瘡**山蟻窠黃荆葉雉雞毛等分燒存性為末香油調傳又方用陳年船底灰搗細篩過桐油調傳立效

又方治砂瘡用水蒿莖燒灰存性香油調傳立愈水多者

閉瘡

**丹疥癩瘡**水蒿莖如百合狀生水邊七八月結子又如野蘇狀 春天花發焦疥開瘡為主不宜抓破

白礬 吳茱萸各二錢 樟腦五 輕粉十盞

寒水石半錢 蛇床子錢二 黃柏 大黃各二

硫黃錢 檳榔一 右為末猪脂油調搽

治痒

治癩疥濕瘡浸淫日久痒不可忍搔之黃水出瘡後復發取羊蹄根去皮細切熟熬以大酢和先洗淨傳上一時再以冷水洗之日一傳瘡若為末傳尤妙千金

蹄根和猪脂塗上或着鹽少許即焦外臺秘要 治疥取羊

生瘡疥因陳煎湯濃洗立安千金 治遍身風痒

治痛

有入患遍身生熱毒瘡痛而不痒手足尤甚至頸而止粘着衣被曉夕不得睡痛不可忍有下俚教以葛蒲三斗剉日乾之春羅為末布席上使病瘡人恣臥其間仍以衣

神驗  
被覆之既粘衣被又復得睡不五七日其瘡如失應手

丹浸淫瘡痛不可忍者癸寒熱刺煎末水調傳瘡上乾則

易之簡要治疥癬滿身作瘡不可治者何首烏艾等分

以水煎令濃於盆內洗之甚能解痛生肌

暴疥  
外元希声待即治卒癸癸秘驗方石灰隨多少和醋漿水

調塗隨手即減一法用石灰炒紅出火氣香油調傳

久疥  
丹又方淋石灰汁洗之孫真人羅木香散治多時不斂一切惡瘡此藥能生肌肉止痛

木香 檳榔 黃連各半 白芷三錢

已上同為細末先洗淨每日一遍乾貼有水出勿怪未  
効又貼 又方同上加地骨皮為細末先於瘡口上用  
溫漿水洗濕挹乾後上藥治之効不可述暨治下疳瘡

神效

丹諸瘡癰久年者千年非根炒存性末之猪油調傳三次

女部手集多年惡瘡不瘥或痛痒生皰爛研馬糞并齒灰

傳上不過三兩遍效武良相在蜀足脛有瘡痛不可忍得

此方便瘥

丹風瘡久不瘥燒菰蔣末以傳之按本草即野茭白

山癩子茨菰葉陰乾為末傳之

經患禿瘡以水研山苴根傳瘡上 患麩豆等瘡以水研

山苴根服少許

運氣  
瓜藤皮煎湯妙和華 中風犯毒霧標木皮煎湯洗妙本草

運氣浸淫皆屬火經云歲火太過甚則身熱膚浸淫是也

針灸 玉手疥六 勞官灸 太陵灸 解溪各五

世瘡疥頑癬 絕骨 三里各寸 間使

血郄三寸 集渾身生瘡疥 曲池 合谷 三里 絕骨 行間

委中 甲癬疥陽谿主之

少陰有餘病皮痺癢疹全文見

仲浸淫瘡從口流向四肢者可治四肢流來入口者不可

治 癬

丹癬瘡用防風通聖散去硝黃加浮萍皂角刺

又方治癬用 浮萍兩 蒼耳 蒼朮兩 苦參一兩

風熱

黃芩兩 香附二兩

右為末酒調服或酒糊丸

苦參丸治肺毒邪熱生瘡生癬疥並宜服之以苦參一

味為細末粟米飲丸如桐子大每服五十丸空心溫水飲

湯送下

風濕 本烏頭丸治風癬方見紫

羅何首烏散治脾肺風毒攻腫通身癬變成癩疹搔之成

瘡或肩背拘急肌肉頑痺手足瘦裂風氣上攻頭面生瘡

及治紫癩白癩頑麻等風

荆芥穗 蔓荊子 歲靈仙 何首烏

甘草灸 防風 阿膠草

右件各等分搗羅為末每服一錢食後溫酒調下沸湯

亦得

雜方

丹癬在脛項間後延上至耳成濕癬他治不應以苦茶一兩研甘草末半兩和勻先用溫漿水洗癬拭上傳之神效

咬劑

癬瘡方槿樹皮不犯銅鐵每二兩又芹苔三錢白芨三錢細研為末刮癬出血用好醋調傳雖痛卻一傳可愈

一方用芹苔三錢大黃三錢輕粉一錢雄黃一錢

蛇床子 槿樹皮 檳榔

右先剉破癬用醋調菜末塗之

世頑癬用槿樹皮加巴豆斑毛為細末又加生砒少許水調傳

世治牛皮癬用清香油二兩入全蝎七枚巴豆二十枚斑

毛十枚同熬候色焦者先去之去了入黃蠟一錢候溶收

起朝擦暮愈不損皮肉

又方綠籬根不拘多少花椒兩信些防風兩

江子粒十五白芨兩半百部兩白欽兩半

右各為末和綠籬根搗熟成團將藥於癬上擦之候痛

過洗浴

又方一味綠籬根去粗皮取細皮貼肉者搗爛用醋調塗

癬上立愈

丹乾癬積年生痂搔之黃水出每逢陰雨即痒用狼毒末

塗之聖惠外臺用班毛半兩炒為末蜜調傳上

本治癬用藜蘆細搗為末生油和傳之

丹治癬疥久不瘥羊蹄根搗絞取汁用膩粉少許調如膏

塗傅患處三五遍即瘥如乾即用豬脂調和傳之簡要

羅栢脂膏治乾癬

栢油斤一黃蠟斤一杏仁粒四十五朴硝抄一

輕劑

羅栢脂膏治乾癬

栢油斤一黃蠟斤一杏仁粒四十五朴硝抄一

右件相和於鐵器內用老生姜葱白三根順攪五七次煎沸濾過成膏於瘡上搽之

**圖**取猪皮枝中白汁塗癬甚妙

**聖**治癬濕瘡用楮葉半斤細切搗傅癬上

**經**治五種瘡癬以韭根炒存性灰搗末以猪脂調傅之三

**五**度瘡又方患癬瘡搗山荳根末臘月猪脂調塗之

**羅**祛濕散治多年濕癬大有神效

蚕沙兩 薄荷研

右為細末每用不拘多少乾搽於瘡上或用生油調搽

**子**和一女子年十五兩股間濕癬長三四寸下至膝發痒

時俾搔湯火俱不解痒定黃赤水流又痛不可忍灸燒薰

溲硫黃煎如白姜蚕羊蹄根之藥皆不効其父母求瘡於

戴人戴人曰能從予言則瘡父母誥之以針磨尖快當

濕者燥之

其痒時於癬上各刺百餘針其血出尽煎鹽湯洗之如此四次大病方除此方不忌以告後人恐為癬藥所誤濕滯於血不可不砭者矣

紫白癩風白禿

**海**龍蛇散治風虛頑麻遍身紫白癩風癩痒痛者

白花蛇去骨焙 黑稍蛇去骨焙 草薢 天麻

黃芪 金毛狗脊 自然銅 骨碎補

楓香研 地龍 草烏頭鹽水浸剉

乳香 沒藥各三 射香二

右細末酒糊丸桐子大每服十五丸酒下食後為末酒

調亦得

**羅**加減何首烏散治紫白癩風筋骨疼痛四肢少力眼斷瞳人真深崩塌皮膚疥癬手足皸裂睡臥不安行履艱難

何首烏

蔓荆子

石菖蒲

荆芥穗

苦參

葳蕤仙

甘菊花

枸杞子略一

右為細末每服三錢蜜茶調下不拘時

聖治白癩用馬鞭草不限多少為末每服食前用荆芥薄

荷湯調下一錢七

風濕

木治宿患風癬遍身黑色肌体如木皮膚粗泄及四肢麻痺宜服烏頭丸

草烏頭一斤入竹篾內以水浸用瓦片於篾內就水中洗如打菱角法宜候洗去外皮及尖控起令乾用麻油四兩鹽四兩入銚子內炒令深黃色傾出油只留鹽并烏頭再炒令黑色烟出為度取一枚劈破心內如米一點白恰好如白多再炒趁熱取末用醋糊丸如桐子大每服三十九空心晚食前温酒下真州資福

雜方

庵文雅白老有此疾服數年黑點頓除精力強健視聽不衰有一宗人遍身患紫癩風身如墨服踰年體悅澤予服之一年諸風疥瘡瘍皆瘥性差熱雖云去毒要之五七日作為頭粥啜之為佳粥法用豫章集中者佳

世紫白癩風其母為末以胡桃肉蘸洗浴後擦之神效又方以信石好者為上研極細用真香油調如薄粥過二宿取清油傳之愈又方用金獅草搗碎擦之累效

又方杜大黃

飛礬

右肥皂為丸擦之

白禿

松香製

蕪荑

黃丹

光粉

枯礬

胡坯

右末香油入姜汁少許調傳上

又法直兩乳頭以篋量過當兩膈脈絡上灸之膈絡脈俗呼為蝦蟆穴也

面瘡

大治面部生瘡或鼻臉赤風刺粉刺用盡藥不効者惟有  
此藥可治神妙不可言每以少許臨臥時洗面令淨如面  
油用之數日間瘡腫處自平赤亦自消如風刺粉刺一多  
見効仍塗藥勿近眼處

生硫黃

香白芷

瓜蒌仁

膩粉各半

全蝎

蝉蛻

芫菁

右為細末麻油黃蠟約度如合面油法火熬溶取下離  
火入諸藥在內每用少許塗面上

山面瘡水調平胃散塗之

千治臉上熱瘡涎出以蒲黃傅上瘡

東洗面藥方治面有黥點或生瘡及粉刺之類并去皮膚  
燥痒垢膩潤澤肌膚

皂角 三斤去皮  
弦子另搗

糯米 三合

葶藶 八合  
淨另搗

楮實子 五兩

三柰子

碓砂 連皮

白芨 一兩

肥者

甘松 七錢

好升麻 半斤

白丁香 五錢  
月棟淨

右十味同為細末訖和菘豆大米細末及皂角末一處  
攪勻用之妙

面油摩風膏

麻黃 二錢

升麻根 二錢  
去皮

差活 一兩  
去皮

防風 二錢

當歸身 一錢

白芨 一錢

白檀 五分

右小油五兩銀石器中熬綿裹定前藥於油中熬之得  
所澄淨去渣入黃蠟一兩再熬為度

瑩肌如玉散

白丁香 一兩

香白芷 七錢

升麻 半兩

白芨 一兩

麻黃 二錢  
去節

白牽牛 一兩

白麻當歸 稍半

白茯苓 三錢

白附 二錢

白茯苓 半兩

楮棍 四錢

白茯苓 三錢

連翹一錢 白欵一 三御椒一

右為細末每用五分多少洗之

塗點壓不令生瘡

猪苓 麻黃 桂枝 白茯苓 白附子

連翹 防風 香白芷 白欵 當歸身

升麻根 白芨各等

右等分為細末洗面用之臨卧唾調少許塗面上

肘後療面多奸黷如雀卵色以穀羊膽一牧酒二升煮三

沸少塗拭之日三痊 治面上粉刺搗兔絲子絞汁塗之

竹白附丹治男子婦人面生黑班點

白附子一兩 白芨 白欵 白茯苓

蜜陀僧研 白石脂研 定粉研各等分

右為細末用洗面藥洗淨臨睡用入乳汁如無用牛乳

或雞子清調和丸如龍眼大簪乾逐旋用溫漿水磨開傳之

癩頭瘡

丹防風通聖散為末酒浸焙乾丸三次食後白湯調服日

三服至頭有汗效

世濃煎鹽湯洗三五日一洗用上散傳之久年不愈神

效方見

丹用好紫霄炭燒通紅入水研之又燒又焙以水熱為度

取所焙之水日白洗之使熱毒宣發而愈外以胡荽子伏

龍肝懸龍尾屋深塵也黃連白礬為末調傳又服酒炒通聖散

效方見

一方單用黃連末傳之累效

王四口瘡唇瘡

熱

丹王四叔公口瘡舌強多痰

白朮

甘草稍錢一

人參

赤芍藥

木通

生地錢半

黃連錢一

瓜蒌子枚十二

右作二貼煎

羅黃連升麻湯口舌生瘡

升麻半錢

黃連錢三

右為細末綿裹含津嚥

丹治口瘡黃栢炙同細辛各二錢研極細傅之噲少時當

滿口有涎吐之少刻又傅又噲如是五七次立愈此金方

醫氣方也

羅綠袍散治夫人小兒口瘡多不効者

黃栢兩四

甘草兩二

青黛兩一

右先取二味為末入青黛同研勻乾貼

衍黃栢皮蜜炙與青黛各一分同為末入生龍腦一字研

勻治心脾熱舌頰生瘡當搽瘡上有涎即吐之

垣蜜栢散治口瘡久不愈者用黃栢不計多少以蜜炙灰

色為細末乾搽上臨臥忌酒醋薑犯之則瘡難愈

丹好酒煮黃連呷下立愈

本治膈上熱極口舌生瘡

膩粉七

杏仁七粒不

右二味臨臥時細嚼冷涎出則吐之用溫湯嗽口未痊

可又用

肘治口瘡以薔薇根避風處打去土煮濃汁溫含冷易之

衍五倍子治口瘡以末搽之便可飲食

木治口瘡以膽礬一塊用白沸湯泡開含漱一夕可瘥入

分一方用白礬湯嗽口亦效九口瘡用西瓜漿水瘡

酸能收

實熱

甚者以此徐徐飲之冬月無留皮燒灰噴之  
治口瘡以好墨研蠶蝸極細傅之立効胡氏蠶蝸走小腸  
膀胱其効甚捷因力峻氣猛陰虛氣上致瘡者戒勿用惟  
體實有熱在上焦者用之如神  
子和治一男子病口瘡數年上至口中至咽喉下至胃脘  
皆痛不敢食熱物一涌一泄一汗十去其九次服黃連解  
毒湯不十餘日皆釋

虛火

丹口瘡服涼藥不愈者此中焦氣不足虛火泛上先用理  
中湯甚則加附子  
本治滿口生瘡此因虛壅上攻口舌生瘡  
草烏一 南星一 生姜塊一  
右焙乾為細末每服二錢臨臥時用醋調作掩子貼于  
足心來日便愈

臟腑

丹口瘡以遠志醋研鵝毛掃患處出涎  
本治口鼻生瘡用生姜一塊臨睡時細嚼含睡不得開口  
出氣眼着不妨睡覺咽下  
保治少陰口瘡半夏散聲絕不出者是寒過絕陽氣不伸  
半夏製一兩桂烏頭各一字同煎一盞分作二服治太  
陰口瘡甘蜜散以甘草二寸白礬粟子大含化咽津治  
赤口瘡乳香散以乳香沒藥各一錢白礬半錢銅綠少許  
研為末摻之治白口瘡沒藥散以乳香沒藥雄黃各一  
錢輕粉半錢巴豆霜少許為末摻之  
運氣口瘡有二

薄氣

一曰熱經云少陽司天火氣下臨肺氣上從口瘡是也  
二曰寒經云歲金不及炎火乃行復則寒雨暴至陰厥且  
格陽反上行病口瘡是也

雜方

**治口瘡** 猪蹄殼燒為末傳之立止張氏 治口瘡與走馬疳疔蒂中木去皮燒存性入少白梅灰與少礬細末傳之立安精要

**羅紅芍藥散**

心病口瘡 紫桔紅蒼 三錢四兩 五服安康

右件紫苑桔梗紅芍藥蒼朮各等分為細末羊肝四兩批開摻藥末三錢用麻扎定火內燒令熟空心食之大効白湯送下

**聖** 小兒口瘡通白者及風疔瘡蝕透者以白姜蚕炒令黃色拭去蚕上黃肉毛為末用蜜和傳之立効

**陳** 主口內熱瘡以古文錢二十文燒令赤投酒中服之立

**聖** 口舌生瘡胸膈疼痛用炒豉細末含一宿便瘥

**聖** 治口瘡用縮砂不拘多少火煨為末摻瘡即愈 又法

用檳榔燒灰存性為末入輕粉傳之

**千** 治口瘡取桑樹汁先以髮拭口即以汁傳之

**垣** 化毒法凡口瘡無問新舊遇夜臥將自己兩丸以手攪

緊左右交手揉三五遍但遇夜睡覺行之如此三五度

因酒而生者一夜愈久病諸口瘡三二夜愈如鼻流清涕

惡寒者握二丸向上揉之數夜可愈

**世** 唇瘡以醃上滴下汗傳之累効如神

**羅** 多効散治唇緊瘡及疹

訶子肉 五倍子各等分

右為細末乾貼上効

**丹** 唇黃泡腫烏頭炒灰研香油調傳之胡氏 唇上生瘡

連年不瘥以八月藍葉一斤搗取汁洗之不過三日瘥釘

方 唇上生瘡用白荷花瓣貼之神效如開裂出血者即

針灸 止 口瘡 承漿 合谷 人中 長強 海泉 三稜出血 不用後

穴 金津 玉液 各出血

密 又方 委中 瀉 後谿 補此二穴乃心火 腎水二經之表

垣 又法 膽俞 小腸俞 各灸七壯 太衝 五 勞官

牙疳瘡

熱 垣 神功丸治多食肉人口臭不可近牙齒疳蝕斷肉將脫 牙落血出不止

黃連 去鬚淨一兩酒洗

藿香葉 錢 生地黃 酒浸三錢 木香 錢 升麻 錢

當歸身 錢 蘭香葉 如無藿香葉代之

右為細末水浸蒸餅為丸菴荳大每服一百丸加至二

百丸止白湯下食後服兼治血痢及下血不止血下褐 色或紫黑色及腸澼下血空心米飲送下其脈洪大而 緩及治麻木厥氣上衝逆氣上行腰間者

治小兒走馬牙疳 見小兒疳疔明

少陽 垣 黍粘子湯治耳內痛生瘡

桔梗 兩半 柴胡 分 連翹 分 黃芩 分

黍粘子 分 紅花 許少 歸 稍 分 生地黃 分

蒲黃 分 甘草 分 黃連 分 草龍膽 分

昆布 分 黃芪 分 蘇木 分 桃仁 錢

生甘草 分

右件判如麻荳大作一服水二大盞煎至三盞去渣稍 熱服食後忌寒藥利大便

少陰

羅治耳內生瘡者為足少陰是腎之經也其氣通於耳其經虛風熱乘之隨脈入於耳與氣相搏故令耳門生瘡也

曾青散主之

治耳內有惡瘡曾青散

雄黃七錢

曾青兩

黃芩二錢

右件搗為細末研勻每用少許納耳中有膿出即以綿杖子拭乾用之

黃連散

黃連兩

白礬七錢

右搗為細末每用少許綿裹納耳中

腎臟風陰瘡

風瘡按

無四生散治癩風上攻下注耳鳴目痒鼻赤齒浮或作口瘡下注陰濕四散搔痒通體生瘡及婦人血風等症

白附子

蒺藜刺

黃芪蜜

羌活等

楠中右

世治腎臟風凡指縫白者只一二服効

黃芪兩

木通

甘草

黑牽牛各半

右四味細剉用班毛七枚去翅同藥炒焦黑去班毛餘

為末蒸餅糊為丸如桐子大空心鹽湯下三十九

本治腎臟風上攻下注生瘡并癩烏頭丸

川烏兩

草烏一兩

二味以黑荳半升煮透軟去皮臍切晒乾

天麻

地龍去

白附子各半

右為末酒糊為丸如桐子大每服二三十丸空心食前

鹽酒鹽湯任下

風熱

衍有一婦人患臍下腹上連二陰遍滿生濕瘡狀如馬刀他處並無熱痒而痛大小便澁出黃汁食亦減身面浮腫

醫作惡瘡治用鱧魚松脂黃丹之類塗瘡上愈熱痛甚  
治不對故也細問之此人嗜酒貪嗜喜魚鱸發風等物急  
令用溫水洗拭去膏藥尋馬齒見四兩研碎入青黛一兩  
再研勻塗瘡上即時乾減痛痒皆去仍服八正散日三服  
發散客熱每塗藥一時久即乾又再塗新濕藥如此二日  
減三分之一五日減二自此二十日愈既愈乃問曰此瘡  
何緣至此曰中下焦畜風熱毒熱氣若不出當作腸癰內  
痔仍須禁酒及發風物後不能禁酒果患內痔

**丹**陰囊瘡蠟面茶末之先以甘草煎水洗後傳上妙  
陰上濕泡瘡硫黃末傳之日三次

**千**治丈夫陰下濕痒蒲黃末傳之良

**丹**陰瘡人尿燒灰傳之安  
**世**腎臟風甘草節湯洗極效

寒濕  
雜方

**秘**腎臟風痒不可當者吳茱萸蛇床子等分煎湯洗神效  
治腎臟陰汗生瘡用莧菜根莖葉燒灰存性研細搗破傳  
之立愈又蒼耳草蛇床子煎湯洗之良

**察**治男子婦人陰部濕淹瘡  
五倍子細研白礬錢 銅綠鈔 輕粉字

乳香瓦 右為極細末洗淨搽之

**世**治陰瘡痒痛久不止  
銅錢瓦 烏梅瓦 鹽二

右水一碗半煎至一碗洗之無不效驗

**世**腎臟風瘡血却即百虫窠右膝內廉  
**集**腎臟風瘡血却即百虫窠針入 三陰交  
針灸  
下疳瘡

熱

丹有二隣人三十餘性狡而躁素患下疳瘡或作或止夏初患白痢膈上微悶醫與理中湯因貼昏悶若死片時而甦予脈之兩手皆滑重取琴弦似數予曰此下疳瘡之深重者與當歸龍薈丸去麝四貼而利減與小柴胡去平夏加黃連芍藥川芎生薑煎五六貼而安一男子近三十歲有下疳瘡雖屢求治以其不能忘口劫之忽一日頭痛發熱自汗衆作傷寒陽証治之反劇予診其脈弦甚七至重按則澁予曰此症在厥陰藥與症不相應遂作小柴胡湯加草龍膽黃連胡黃連帶熱服四貼而病脫然治男子耻瘡或痛在莖之竅或痛在莖之標皆手足大陽不利熱毒下傳入手足厥陰故變紫黑色作蝕瘡毀其莖而死宜以子和泄水丸散導其濕毒無不愈者若已成瘡先泄其根次從標而治外以葱白黑豈汁漂洗拭乾以黃連木

香蜜陀僧乾胭脂之類細末搽之如內潰膿不出以追膿散上之又用子和泄水丸如後竅膿少可用黃連木香胭脂等貼之

子和泄水丸一名大智丸

大戟

芫花

甘遂

海帶洗

海藻洗

郁李仁

續隨子已上各半兩

樟柳根兩

右為細末水煮塞肉為丸如小莖大每服五七丸熟水下

水下

治下疳瘡先用張子和泄水去根後用此藥乾上

黃連

滑石各半兩

定粉錢

輕粉錢

乳香錢

蜜陀僧錢

右細末乾上或加乾胭脂或加木香檳榔

丹下痔瘡

蛤粉

蜜陀僧

臘茶

苦參

青黛

右用臘脂調塗河水洗淨并治臘瘡

世又方

青黛

海蛤

蜜陀僧

黃連

右為末傅上

丹一切熱毒惡瘡及下痔瘡用蜜陀僧黃柏皮末各一分

半膩粉一錢麝香少許先洗瘡拭乾傅之甚者三四次

治下痔瘡雄黃黃連等分為末濕者乾摻乾者油調傅先

用荆芥射干煎湯洗却傅之妙一方用地骨皮末傅神効

海追膿錠子膿內潰不出以此藥追之

雄黃錢

巴莖半錢

輕粉字

嘗治一男子下痔瘡甚惡飲酒則發醫與小柴胡湯加

補虛

取膿

黃連數貼不効又與玉燭散下之反劇予以甘草節小建中各半煎湯服之咽痛止後以四物湯建中甘草等分與之漸安

敷貼

丹陰頭瘡蜜煎甘草傅之安外臺秘要又方用頭髮以鹽水洗淨去油再用米泔洗淨又用清湯洗晒乾燒灰傅瘡上

便結屬

世蒼耳葉為末換之

治下痔瘡黑形兔為末傅上神効一名烏吊土一名孩兒沙

治下痔瘡久不愈橡斗子二箇各盛黃丹各滿相合以

亂髮繩定燒烟盡為度同研為末先以葱白熱漿水洗瘡

膿盡次上藥甚者不過三次如神

雨瘡入陰生瘡膿出成坎取高昌白礬麻仁等分研煉猪

脂相和成膏梘白皮作湯洗瘡拭令乾即塗膏然後以椒

葉貼其上不過三五度瘡

山下疔瘡用五倍子末傅之

婦人陰瘡

雜方

少陰脉滑而數者陰中即生瘡陰中蝕爛者狼牙湯洗之用狼牙二兩以水四升煮取半升以綿纏筋如蘭浸湯

瀝陰中曰三遍

大洗榻散治陰蝕瘡

甘草兩

乾漆兩

黃芩

當歸

地黄

芍藥各二兩

龜甲兩

右細切以水七升煮取三升去渣以綿帛內湯中用榻瘡處良久即易日二度每榻湯可行十里許即乾乾拾取甘濕散薄傅瘡上使徧可經半日又以湯榻以訖如前傅藥

有一婢生此疾蝕處作兩瘡深半寸用此洗榻湯并服甘濕散不經七日平復甚効

甘濕散

蝮蛇膽

青木香

石硫黃

鐵精

麝香

各四分時入用綠射辟蛇毒若先以相和此胆即無力也

右各等分爲末更研細有患取如三基子大和井花水日再服訖先令便利了即以後方桃枝薰下部訖然後取葉如碁子安竹管裏內入下部生且再度老少量減其薰法每日二度不用再

桃枝薰法取東南桃枝五七枝輕打頭使散以綿纏之又搗石硫黃爲末將此綿纏桃枝攪轉之令末少厚又截三竹筒先內下部中仍以所搗葉桃枝爲熱薰之丹女子陰瘡硫黃末傅之後

仲蛇床子散濕陰中主藥用蛇床子仁一味未之以白粉  
少許和令相得如棗大綿裹納之自然濕散  
運氣陰瘡皆屬寒經云太陽之勝陰中乃瘍隱曲不利治  
以苦塊是也

熱  
疔瘡

世治疔瘡極妙地骨皮一斤黃柏皮二兩剉為粗末用香  
油一斤半煎濾過藥油六七兩入淨松香二十兩黃丹二  
兩同煎候黃丹微黑色却入輕粉七角光粉二角煎法皆  
如前膏法用長條紙拖過掛乾用若此瘡紫黑先用二稜  
針去惡血以冷水洗淨隨瘡大小剪膏藥貼上用細帛緊  
緊扎縛俟一周時再換膏藥換時須用冷水洗瘡不過數  
換不問新久即愈須忌日氣火氣陽氣倘換膏藥再看如  
有黑腫未盡可再出血以紫黑血盡為度

治疔瘡用糯米泔嗽口過洗瘡拭乾却以地骨皮為細末  
蜜調傅瘡上又以油紙縛之

丹治疔瘡

白膠香兩 黃柏兩 軟石膏兩 青黛兩  
龍骨兩

右為細末以香油調傅患處

又方羯羊屎二分石膏一分赤石脂半分為細末香油和  
之舊黑油傘紙作隔膏縛之除根

羅翠玉膏治疔瘡

瀝青兩 黃蠟 銅綠各五 沒藥三

右件先將銅綠為細末入香油調勻又將黃蠟瀝青火  
上溶開次下油銅綠火上攪勻將沒藥等三味旋旋入  
攪勻用河水一碗將藥傾在內用手扯拔勻油紙裹看

瘡大小分大小塊口嚼捻成餅子貼於瘡上紙封三日  
易之

丹 賺瘡用砂糖水煮冬青葉三五沸滌起石壓乾將葉貼  
在瘡口上三日換二遍 腳痛成瘡水煎湯洗瘡候乾

自安經驗方

山 賺瘡用韭汁洗淨搥乾剉虎骨傅上

丹 二妙丸治下焦濕瘡但服下焦有 潛行散末蒼木末

各等分煉蜜為丸桐子大

寒濕

治兩賺脚膝生瘡局方虛損門服黃芪丸立安

黃芪丸

川烏頭炮去皮 川練子

地龍炒去土

茴香炒

杜蒺藜炒去刺 赤小荳

防風去芦

黃芪剉各兩

烏藥兩

右為細末酒煮麵糊為丸如桐子大每服十五丸溫酒  
下鹽湯亦得婦人醋湯下並空心

脚氣瘡足跟瘡

雜方

世捷應散治脚濕氣成瘡痒不可當爬之流黃水用羯羊

糞曬乾為末安於瓦上手把竹柴火燒作灰又研細先用

葱椒湯洗之次用香油調厚傅上以山茶花葉卷之帛縛

四五日即可

丹 脚上爛瘡久不瘥先以酸漿苳腐水洗三五次尋懸鈎

担葉地暴担葉搗細入鹽些少盪之地暴担葉即覆盆子

葉也

海 足跟瘡久不愈毒氣攻注用白木為細末先以鹽漿水

溫洗乾貼二日三換可以負重涉險

凍瘡

灸

子和經曰寒瘡流水俗呼為凍瘡或經年不愈者用野中淨土曬乾以大蒜研如泥捏作餅子如大觀錢厚薄量瘡口大小貼之以艾火加於餅上灸之不計壯數以泥乾為度去乾餅子再換濕餅子灸不問多少直至瘡痂覺痛痒是瘡可治也然後口含漿水洗瘡用雞翎二十莖縛作刷子於瘡上刷洗淨以此洗刷不致肌肉損傷也以軟帛拭乾用木香換柳散傅之如夏月醫之更妙

世足跟紅腫凍瘡

足跟左足指面後跟赤白肉際骨下刺入三分彈針出血可愈二十七

足跟凍瘡潰破用椒葱湯洗刮去腐肉用三稜針出血將

馬屁勃入生牛骨髓調和傅之效

雜方

治凍瘡用茄根燒灰洗了用雀兒腦髓塗之

禹錫取臘月牡鼠死者一枚油一大升煎之使爛絞出查

再煎成膏塗凍瘡及折破瘡

丹治凍瘡用煎熟桐油蜜陀僧傳

山用五倍子煎湯洗

止痛

羅如神散治凍瘡皮爛不可忍用川大黃不拘多少為細末新水調掃凍破瘡上痛止立效

世治凍瘡痛者橄欖核燒存性為末用香油調塗患處其

痛隨愈

子

和戴人女僮足有凍瘡戴人令服舟車丸潘川散大下

之遂愈人或疑之戴人云心火降則寒消何疑之有

手足皸裂脚縫爛

雜方

羅潤肌膏治手足皸裂皮膚裂開疼痛不能見風

珠子瀝青入白黃臘入乳香入

右三味於鐵器內用文武火熬下瀝膏在罐內隨手便

下黃蠟乳香次入清芝麻油一二匙候瀝青盡溶開微  
微熬動放大淨水一盆於其傍以攪藥用匙取一二滴  
滴於水中試之如硬再入油如軟硬合宜用新綿攪淨  
入水中折疊扯之以白為度油當旋旋入勿令軟了以  
磁器內盛之或油紙裹亦得無用不拘多少先於火上  
炙裂子只却捻合裂子藥亦火上炙軟塗於裂子上用  
紙少許貼之自然合矣

東老人路次方城北獨樹店之客舍有推水車者皮膚皴  
裂甚痛兩手不能執轆足不能履地而車上宿制此藥傳  
之即効明日遂行自後屢用屢効故錄於此

世治手足皴裂春夏不愈者

生姜汁

紅糟

白鹽

猪膏臘月

右研爛炒熱擦入皴內二時雖痛少填便皮軟皴合再

用即安

丹手足寒皴裂合椒三四合煮浸半食頃須臾再浸又傳  
以羊猪髓腦甚妙梅師

世治腳跟皴裂用頭髮一大握桐油一碗於瓦器內熬候  
油沸頭髮溶爛出火攤冷以瓦器收貯不令灰入每用百  
沸湯泡洗皴裂令軟傳其上即安一方加水粉

山脚裂爛蒸藕研成膏傳之

世用五倍子為末同牛骨髓填縫內即好治腳指縫爛瘡  
搗鵝時取鵝掌黃皮焙乾燒存性為末濕則搽之

反花瘡

瘡有肉肉凸  
出者是也

雜方  
諸瘡肉如蛇頭出數寸者硫黃末傳之即縮聖惠  
瘡有肉凸出烏梅燒灰為末傳之立盡聖惠 又以白梅  
肉杵細入蜜搗成餅如錢大貼之妙聖惠

又方治反花瘡馬齒寬一斤燒灰細研猪脂調傅  
世瘡凸出寸許根如小莖或大如梅者用花脚蜘蛛絲纏  
其根則漸乾而自脫落

惡瘡

虛實 羅乳香消毒散專治惡瘡

大黃煨

黃芪

牛蒡子炒

金銀花略五

甘草兩三

牡蠣鹽泥煨五兩乳香

沒藥

懸囊各半兩

右為粗末每服五錢水煎瘡在上食後在下食前服

海惡瘡入腹心嘔逆藥食不下

荳粉研

乾胭脂研

定粉研

右細末新水調下神效

雜方 碧霞子治惡瘡神効丁不覺疼痛者

銅綠

礞砂各一

膽酥錢

右為細末燒飯和作麥蘖挺子每刺不覺痛者須刺出

血方維藥在內以管藥貼之

蝕惡瘡方非奇異惡瘡不可用

天銅綠研

礞砂研

石膽礬半錢研

右為細末傅之

治惡瘡或有小虫

膽礬研

龍骨研

輕粉研

虎骨

白礬研

麝香研

乳香研

礞砂研

腦子研

土蜂房研

露蜂房半研

雄黃研

右細末刺破鹽水洗看緊慢上藥神効

雜瘡

雜方 世治蒲萄瘡口頭如蒲萄色四圍腫起先追膿盡次用水

梅當瘡頭登之神愈

本江左有商人左膊上有瘡如人面亦無他苦商人戲滴酒口中其面亦赤色以物食之亦能食食多則覺膊肉脹起或不食之則臂痺有善醫者教其歷試諸藥無苦至貝母其瘡乃聚眉閉口商人喜曰此藥可治也因以小葦筒磨貝母水灌之數日成痂遂愈不知何疾也

丹天泡瘡通聖散及蛇劍泥畧炒蜜調傳妙從肚皮起者裏熱發外速服通聖散

外天行班瘡須臾遍身皆戴白獎此惡毒氣永微四年此瘡自西域東流於海內但煮葵菜葉以蒜蘸吹之即止採卒得惡瘡不識者燒苦竹葉和雞子黃傳

手太陽之別名曰支正上腕五寸處則生疣小者指如疥

疣 疣音休俗稱 雞眼子是也

取之所別也全文見針灸虛實

世手足生疣目鹽傅上舌紙之只三次瘡後

世疣用雞胃中食指疣上指餘者以石壓之驗

世

取瘡餅藥

糯米百粒 石灰搗指 巴荳三粒去殼研

右為末入磁瓶同審三日每以竹簽挑粟許點上自然

取靨

風化石灰兩 花碱兩

右為細末上三次如天色冷濕用

衍石灰水調一盞如稠粥揀好糯米全者半置灰中半置灰外經宿灰中米色變如水精若人手面上有黑靨子及

紋刺者先微微以針頭撥動置少許於其上經半日許膿汁自出剔去藥不用且不得着水二三日愈 又方用水蛭一條雞子一枚開雞子小頭內水蛭以皮兒蓋合封之直至水蛭食盡雞清乾盡自死乃用之

癩撲傷損

金瘡

杖瘡

湯火傷

竹木刺針入肉

箭入肉

漆瘡

葱醬搗

危癩傷皮破血出處痛不可忍乃風寒所着宜用葱蒜碎入鹽少許炒熱罨上其痛即住冷則再溫之

崔給事頃在澤潞與李抱真作判官李相友以毬杖按毬子其將軍以杖相格乘勢不能止因傷李相姆指并爪甲劈裂遺索金刀藥裹之強坐頻索酒飲至數盃已過量而面色愈青忍痛不止有軍使言取葱新折者入溲灰火煨熱剝皮擘開其間有涕取瘡損傷處仍多煨葱續上取

本治腦打傷筋損骨疼痛不可忍

生地切

藏瓜姜糟仁生薑切兩

右都炒令勻熱以布裹瘡傷折處冷則易之曾有人傷折宜用生龜尋捕一龜將殺時人忽夢見龜告曰勿相害吾有奇方可療於夢中授此方神効

本骨碎補髓閉折筋骨折傷取根搗碎煮黃米粥和之畏

傷處良

接骨丹敷貼藥

乳香兩

天南星兩

木鱉子兩

沒藥兩

官桂兩

右為細末姜一斤去皮爛研取自然汁入水醋少許白麩同調攤紙上貼傷處以帛縛之用篋夾定麻索子纏

山搨撲骨肉損醋搗肥皂爛厚糞之以帛縛之閃傷醋糟  
平胃散相和糞之

治搨傷骨折及血躄方用益元散七分人參湯調之次  
用姜汁好醋二盞用獨子肥皂四箇敲碎投於姜汁醋中  
調和以綿濾過去查煎成膏藥貼之遍身亦可

本又方棋桔葉白酒糟杵細縛痛處或大段痛用火燒地  
令紅用醋并米泔撥地上急鋪荐令患人荐上臥蒸出汗  
內則服藥外則貼藥易安

勝金治破傷多用燈心草爛嚼和唾貼之用線裹血立愈  
丹折傷接筋方旋覆花根杵汁滴傷處又將查封瘡上下  
五日使斷筋自續矣蘇良仲方即金滿草根是也接骨用好無名異

三兩為末丁乳檀沉木五香各半錢重為末先燒鐵銚紅  
以五香三七一彈入銚內候烟起則全下無名異待滾退

熱者凡三易之面色却赤斯須云已不痛凡十數度必用  
熱葱并海裏纏逐畢庶笑語

治腦骨破及骨折葱白爛研和蜜淨封損處立瘥 筋  
斷骨折者以法接之

接骨方

治搨撲筋斷骨折用粟米半升水鷲肉二十箇半夏半  
兩婦人髮一團葱白鬚一小束同炒烟盡存性為末熱醋  
調傅神效 治搨撲筋斷骨折用糯米一升皂角切碎半  
升銅錢百箇同炒至半焦黑去銅錢為末用好酒調膏厚  
紙攤貼患處神效

木打撲傷損及一切腫癰赤破令內消方

生地研如 木香細

右以地黃膏隨腫大小攤於紙上搽木香末二層又再  
攤地黃膏貼腫上不過三五度即愈昔許元公入京師

赴省試過橋墜馬右臂曰脫路人語其僕曰急與授入  
白中若血漬白則難治矣僕用其說許以昏迷不覺痛  
遂僦轎歸歸邸或曰非尋事巷田馬馳不能了此疾急  
召之至巳日暮因秉燭視其面曰尚可治乃施藥封此  
處至中夜方甦達旦痛止去其封損處已白其青瘀乃  
移在白上自是日易之腫直至肩背以藥下之瀉黑  
血三升五日復常遂得赴試蓋用此法云

**世走馬散治折傷接骨**

栢葉生

荷葉生

皂角生

骨碎補去毛

右爲末先將折傷處揣定令人元位以姜汁調藥如糊  
攤紙上貼骨斷處用杉木申夾定以繩縛之莫令轉動  
三五日後開看以溫葱湯洗後再貼藥復夾七日如痛  
再加沒藥

火定後再上火炒熱又將五香彈三之一彈入銚內候滾  
又退火如此者凡三次訖出火毒卽用骨碎補去毛約一  
斤與生姜等分搗爛以碗覆之候發熱先約取五之一入  
小葱九莖連鬚去蒂同入沙盆搗細取其汁調前無名異  
末二錢衝老酒服之其查瘡患處卽愈如年老氣衰者再  
作一劑多飲酒力助之爲妙

肩穿法  
脚破法

傷分三  
卽用藥

山負重擔肩破者剪貓兒頭上毛不語唾粘之達行脚  
打泡用調生麪糊貼過夜卽乾不可擦破又法用飯粘貼  
過夜以紙蓋之次日平復神效

海若登高下重物撞打箭鏃亦傷心腹胃中停積鬱血不

散以上中下三焦分之別其部分上部易老犀角地黄湯  
中部桃仁承氣湯下部抵當湯之類下之亦有以小便酒  
同煎治之更有內加生地黃當歸煎者有大黃者又法  
虛人不禁下者以四物湯加川山甲煎服妙亦有花蓋石  
散以童子小便煎或酒服之者此藥與前寒藥正分陰陽  
不可不辨也若瘀血已去用復元通氣散加當歸煎服亦  
可

無裡症  
者虛者  
但行補  
接

**接骨神效無比**累驗用當三錢一百零八箇錢厚字以  
鐵線穿定用活桑木一根作柴燒錢紅米醋一大碗未煎  
者不入鹽將所燒錢焯入醋中如此焯之以醋乾為度取  
醋中焯落銅錢末就用醋洗去灰晒乾為極細末再用黑  
雄雞一隻清湯煮熟去肉用骨一付以醋炙酥為末入乳  
香沒藥各一兩與銅錢末一處和勻每服一字臨服時用

患人髮在頂上者洗去垢燒灰入藥中無灰酒調服不吐  
只一服如吐再服如痛止不可再服必須先夾縛所折  
骨端正用楊樹皮刮去肉糊并外粗皮傳之下咽便不痛  
五七日便能運動必終身忌葷齋各地粟義門家  
一方用五銖錢醋焯一兩二錢黑雞骨三兩研細勻每服  
病在下四錢速服食前病在上二錢半頻服食後三方有  
乳香沒藥

**接骨散**  
方用醋焯半兩錢蘇末定粉兩鵬砂各一錢為末作二  
服當歸酒二三服痛止勿服

**沒藥** 乳香各五  
自然銅醋焯滑石二  
龍骨銕 赤石脂仁 麝香後入 白石脂仁  
右為細末以好醋浸沒煮多為上候乾就炒燥為度臨

服入麝香少許挑小茶匙在舌上温酒下病分上下食前後服若骨已接尚痛去龍骨石脂而多服儘好

世方接骨

乳香 沒藥 蘇木 降真節

川烏去皮 松明節一兩 自然銅米醋煨各一兩

地龍去土麻油炒半兩 血竭仁 龍骨生用半兩

水蛭油炒半兩 土狗十個油浸炒

右為細末每服五錢酒調下在上食後在下食前

定痛乳香神應散治從高墜下疼痛不可忍腹中疼痛

乳香 沒藥 雄黑荳 桑白皮

獨科栗子各一兩 破故紙炒二當歸一兩

水蛭半兩

右為末每服五錢醋一盞沙石器內煎至六分入麝香

少許温服

定痛接骨紫金丹

麝香 沒藥 紅娘子錢各半 烏藥二錢

地龍去上二錢半 川烏 草烏炮各一兩 五靈脂去皮半兩

木鱉子去壳半兩 茴香二錢 黑牽牛生用五分 骨碎補

葳靈仙 金毛狗脊 防風去 自然銅煨碎七次

錢各五 禹餘糧四錢 陳皮 青皮錢各二

右為細末醋糊丸如桐子大每服十九至二十九温酒

送下病上食後病下食前服

聖靈丹治一切打撲損傷及傷折疼痛不可忍者並宜服

乳香錢五

烏梅去核五個

取二兩 八錢

菖苞子一盞炒

右為細末煉蜜和丸如彈子大每服一九細嚼熱酒吞下食後三伏時痛不止再服

**經**治折傷用冰蛭新瓦上焙乾為細末熱酒調下三錢食真痛更一服痛止便將接骨藥封以物夾定直候至好

**初盧世**治從高至下墜及打至內傷神効射香水蛭各一兩對碎炒烟出二件研為細末酒調二錢當下畜血未止再服其効如神

**衍**自然銅有人銅折翅鷹後遂飛去今人打撲損傷研極細末飛過用當歸沒藥各半錢以酒調頻服仍以手摩痛處

**海**治墜落車馬筋骨疼痛不止用玄胡索一兩搗羅為散不計時服以葶淋酒調下二錢

**木**童便治卒血及心被打內有瘀血者煎服之一服一升

**山**搗撲傷損松節煎酒喫 搗撲重傷用生姜自然汁四兩香油四兩打勻無灰酒熱調下

右乳香沒藥行汚血調氣例衍義云沒藥通帶血打傷撲損疼痛皆以酒化服血滯則氣壅氣壅則經絡

滿急經絡滿急故痛且腫矣道而行之則痛腫消焉

**丹**打損磕傷疼痛夜合花末服之酒下二錢七効

治打撲損傷折骨此藥專能接骨

夜合樹即合欢花去粗皮炒黑色四反 芥菜子炒一

右為細末酒調二錢澄清臨臥服以粗查罨瘡上扎縛之

又方用葱白砂糖二味相等分爛研傳之痛立止且無痕

**丹**白蠟屬金金稟收斂堅凝之氣外科之要藥生肌止血

定痛接骨續筋補虛并合歡皮同入長肉膏藥用極神效  
但未曾試可為藥餌否若合歡皮常試之灸服之大有妙  
理且有速效不可不知也

**木治打傷接骨方**

接骨木 半及本草  
各萌蘗

當歸

川芎

乳香 各一

赤芍藥

右為細末同黃蠟四兩溶入前藥末攪令勻候溫軟衆  
手如龍眼大如打傷筋骨及閃拗着疼痛不可忍者  
用此藥一九無灰熱酒一盞浸藥候藥潰開乘熱呷了  
痛便止若太段傷損碎拆須先整骨用川烏草菓為末  
等分生姜汁調貼卷之又將帛縛定然後服此藥表裏  
兩治無不効者此二方是一副不可分開

治打撲內損筋骨疼痛

沒藥

乳香

芍藥

川椒 去子

川芎

當歸 各半

自然銅 三錢  
火煆

右為細末用黃蠟四兩溶開入藥末不住手攪勻濕丸  
如彈子大每服一九用好酒煎開消盡乘熱一服吃盡  
看那處痛向痛處臥霎時服三五丸立効

**治破傷見血酒一**

半兩當歸 一錢

合來 搥碎酒同煎

直須軟冷連查吃

一切傷瘡保萬全

右夜合黃白蠟例接續筋骨補虛也

**治破血消痛湯治乘馬墮傷跌破脊骨惡血流下脇下甚  
痛苦楚不能轉側妨於飲食**

羌活

防風

蘇木 一錢

柴胡

連翹

當歸 稍

官桂

麝香 少許  
另研

水蛭三錢炒去  
炸及另研

右為粗末只一服酒二大盞水一盞水蛭麝香另研如  
泥餘藥煎至一大盞去火稍熱調二味服之兩服立愈  
中風有所墮墜惡血留內有所大怒氣上而不行下積  
於脇下則傷肝又中風及有所擊作若醉又房汗出當風  
則傷脾又頭痛不可取于踰者有所擊墮惡血在內若肉  
傷痛未已可側刺不可遠取之也邪氣臟腑  
及厥病篇  
夫從高墜下惡血流於內不分十二經絡醫人俱作中風  
肝經留於脇下以中風療之血者皆肝之所主惡血必歸  
於肝不問何經之傷必留於脇下蓋肝主血故也痛甚則  
必有自汗但人人有汗出皆屬風証諸風皆屬於肝木况  
敗血凝泣逆其所屬入於肝也從高墜下逆其上行之血  
氣非肝而何非傷寒無汗既曰汗必自風化之也故以破

血行經藥治之

有裡症  
裡者  
攻裡

脇下痛  
若血在

復元羌活湯治從高墜下惡血流於脇下及疼痛不可忍  
者經云有所墮墜惡血留內有所大怒氣上而不行下積  
於脇則傷肝肝膽之經俱行於脇下經屬厥陰少陽宜以  
柴胡為引用焉君以當歸活血脈又急者痛也以甘草緩  
其急亦能生新血陽生陰長故也為臣川山甲括蕒根桃  
仁紅花破血潤血為之佐大黃酒製以蕩滌敗血為之使  
氣味相合各有所歸痛自去矣

柴胡五 當歸三 甘草錢 川山甲炮三

大黃酒浸一兩 桃仁去皮尖五十個 紅花錢 瓜蕒根錢三

右件桃仁研爛餘藥剉如麻荳大每服一兩水二鍾酒  
半盞煎至七分去渣大溫服食前以利為度得利後痛  
或不盡服乳香神應散乳香神應散見  
前無裏証條

血冲心

巴戟湯治從高墜下及打撲內損昏冒嗜臥不能飲食此謂血閉臟腑不通

巴戟去心 當歸 地黄 芍藥

川芎各一兩 大黃兩

右為末水煎以利為度

恒當歸導滯散治打撲損傷落馬墜車瘀血大便不通紅腫青黯疼痛昏悶畜血內壅欲死

大黃兩 當歸分 麝香許

右三味除麝香別研外為極細末入麝香令勻每服三錢熱酒一盞調下如前內瘀血去或骨節傷折疼痛不可忍以定痛接骨紫金丹治之

大小便不通

嚴奪命散治刀刃所傷及從高墜下木石壓損瘀血凝積心腹疼痛大小便不通

水蛭用石灰拌慢火炒 黑牽牛仁

右為末每服二錢用熱酒調下約行四五里再用熱酒調黑牽牛末二錢催之須下惡血成塊以盡為度

無雞鳴散治從高墜下及木石所壓凡是傷損血瘀凝積氣絕欲死煩躁頭痛叫呼不得並以此藥利去瘀血治折傷神妙

大黃酒蒸 桃仁二十七粒去皮尖

右研細酒一碗煎至六分去渣雞鳴時服次日取下瘀血即愈若便意氣絕不能言取藥不及急擊口開用熱小便灌之即愈

羅氏花蕊石散治一切金刃箭鏃傷及打撲傷損猶狗咬傷或至死血瘀傷處以藥搽之其血化為黃水再用藥便活更不疼痛如內損血入臟腑煎童子小便入酒少許調

一大盞服之立効若牛舐腸出不損者急內腸入用細系  
或桑白皮剉線縫合肚皮縫上搽藥血止立活如死桑白  
皮用生麻線亦得並不得封裹瘡口恐作膿血如瘡乾以  
津液潤之然後搽藥婦人產後敗血不盡血迷血暈惡血  
奔心胎死腹中胎衣不下至死者但心頭蓋暖急以童子  
小便調一盞取下惡物如肝片終身不患血風血氣証若  
膈上有血化為黃水即時吐出或隨大便出

石硫黃 花蕊石

右二味相拌合勻先用紙筋和鹽泥固濟瓦罐子一個  
內可容藥候泥乾入藥在內再用泥封口候乾安在四  
方磚上上書八卦五行字用炭一秤窰壘周圍自己午  
時從下着火漸上徹直至經宿火冷炭灰又故經宿  
確冷取出細研以絹羅子羅極細磁盒盛之依法使用

**本**治打撲墜損惡血攻心悶亂疼痛水仙散

未展荷葉陰乾一味為末食前以童子熱小便一小盞  
調下三錢以利下惡物為度

**聖**治撲打墜損惡血攻心悶亂疼痛以大乾荷葉五片燒  
令烟尽細研食前以童子熱小便一小盞調三錢七日三

服  
塞上方治墜傷損撲瘀血在內煩悶者用蒲黃末空心熱  
酒調下三錢瘕

**不**宣和中有二國醫忽承快行宣押就一佛剎醫內人醫  
診視之已昏死矣問其從人皆不知病之由惶恐无地良  
久有二三老內人至下轎環而泣之方得其詳云因蹴鞦  
韆自空而下墜死醫者云打撲傷損自屬外科欲申明又  
恐後時參差不測再視之微查看氣忽憶藥篋中有蘇合

香丸急取半兩於火上焙去腦麝用酒半升研化灌之至三更方呻吟五更下惡血數升調理數日方瘥

**仲治馬墜及一切筋骨損傷**

大黃一刃切湯浸或半刃

緋帛

亂髮如雞子大燒灰

敗蒲席三

久用炊單布燒灰

桃仁四十九个去皮

甘草

如中指炙到

右七味以童子小便量多少煎湯或內酒一大盞次下大黃去查分溫三服先剉敗蒲席半領煎湯浴以衣被覆斯須通利數行通後立瘥利後浴水赤勿怪即瘀血也

傷損筋後青腫

**聖治**搥撲損肌膚青腫用茄子種通黃極大者切作片如一指厚新瓦上焙乾為末欲臥酒調二錢七日夜消尽无痕

**本療**口傷損血瘀不散者取牡丹皮八分合黃虫二十一枚煨過同搗篩每用溫酒和散方寸匕服血當化為水下丹治被打瘀血在骨節下出者生鐵一斤酒五升煎取三升飲之後

**本治**從高墮下墜損惡血在骨節間疼痛去臺散

荆芥

藕節各二兩陰乾

芸臺子

川芎確

馬齒莧各一兩陰乾

右為細末用蘇木半兩酒一大盞煎至七分調下二錢服之不拘時服

**丹**盛官人因上山惡血瘀入內損傷食少脈弦此須用活血和氣

川芎錢三

青皮錢二

芍藥

滑石各一

牡丹皮分五

炙甘草錢一

桃仁七枚研

禁忌  
針灸

右作三貼服之

凡傷切不可飲冷水血見寒則凝但一系血入心即死

素人有所墜墮惡血留內腹中滿脹不得前後先飲利藥

此上傷厥陰之脈下傷少陰之絡刺足內踝之下然骨之

前血脈出血刺足跗上動脈不已刺三毛上各一痛見血

則已左刺右右刺左善悲驚不樂刺如右方論刺

身有所傷血出多及中風寒若有所墜墮四肢懈墮不

收名曰體惰取小腹臍下三結交者陽明太陰也臍下三

寸關元也寒熱篇○三結交者即關元穴是也

脈從高撲損內有血腹脹滿其脈堅強者生小弱者死

金瘡

本治金瘡止血除疼痛辟風續筋骨生肌肉地黃散

地黃苗

地松

青蒿人合蒼耳苗

生艾汁各五兩入

赤芍藥水煎取汁

右五月五七月七日午時修合以前藥汁拌石灰陰乾

入黃丹三兩更杵為細末凡有金瘡傷折出血用藥包

封不可動十日瘥不腫不膿

千治金瘡風化石灰菲葉嫩者同搗入鵝血調和成餅乘

風陰乾為末無鵝血亦得治金瘡血不止用半夏石灰

鬱金三物為末上傷處即住

崔療金瘡刀斧傷破血以石灰一升石榴花半斤搗取末

少許捺少時血斷便瘥

末藥散刀箭藥止血住痛

定粉

風化灰各一

枯礬三錢

乳香五份

沒藥一字

右件各研為細末同和勻再研搽之

**丹**刀斧傷石灰包之痛止血住

**精勝金方**治刀斧傷止血生肌蚕蛾散晚蚕蛾為末摻勻絹帛裹隨刀瘡合血止下切金瘡亦治一法用生晚蚕蛾石灰二味同搗成餅陰乾為末傅之

**木**治金瘡止痛劉寄奴散

劉寄奴一味為末散摻金瘡口裏昔宋高祖劉裕微時伐菝見大蛇長數丈射之傷明日復至聞有杵臼聲往視之見青衣童子數人於臼中搗藥問其故答曰我王為劉寄奴所射命藥傅之帝曰神何不殺之答曰寄奴王者不死不可殺帝叱之皆散收藥而去每遇金瘡傅之効寄奴高祖小字也此藥非止治金瘡治湯火瘡大妙經驗方云劉寄奴為末先以糯米漿雜細掃着傷處後摻藥末在二並止痛亦無痕大凡湯火傷急用清水洗之護肉不壞

洗之護肉不壞

**世**治金瘡打撲損傷用菝黃草研細入鹽少許罨之愈

金瘡血出不止按小蘗葉封之金瘡止血杵覆益花苗傅瘡立止梅師方

**本**治金瘡血不止兼痛用血竭末傅立止

**精**治惡瘡金瘡刀斧傷見血方以好降真香為末貼之入冰並無傷痕絕妙方見華陀中藏治刀箭傷出血不止并骨折

枳殼筒

木香

胡地黃各三錢

右為末傅瘡口血立止又可接骨

**仲**金瘡方王不留行散主之

王不留行十分八月採

蒴藿細葉十分七月採

桑根用白皮根行東南者三月三日採

甘草各十分黃芩二分

川椒三分除目及閉口者出汗

乾姜

芍藥

瘡大者服藥

厚朴各二

右九味桑根皮以上三味燒灰存性勿令過各別研并篩合治為散服方寸七小瘡即粉之大瘡但服之產後亦可服如風寒桑東南根勿取之前三物皆陰乾百日用

**廣**金瘡血不止痛白芍藥一兩熬令黃碎細為散酒後米飲下二錢並得初三服漸知

**鬼**治金瘡出血肉瘦龜蝠二枚燒烟盡以水調服方寸七令一日服及當下如水血消 金瘡腸出欲入之磁石滑石各三兩為細末白米飲送下方寸七且再用

診

仲景問曰寸口脈微而瀉法當亡血若汗出設不汗者云何答曰若身有瘡被刀斧所傷亡血故也 **金瘡在陰**

處出血不絕陰脈不能至陽者死接陽而復出者生若金瘡出血脈沉小者生浮大者死 研瘡出血一二石服來大者二十日死 研刺俱有病多少血出不自止斷者其脈止脈來大者七日死滑細者生

杖瘡

汚血服

**河**鬼代丹治打着不痛

無名異 研 沒藥 研 乳香 研 地龍 去

自然銅 醋 研 木鱉子 去殼 等分

右為末煉蜜丸如彈子大溫酒下一丸打不痛

**精**乳香散治杖瘡神効

自然銅 半兩 醋 研 乳香 三 沒藥 三

茴香 鈔 當歸 兩 半

右為細末每服五錢溫酒調下

雞鳴散下秋痛腹中惡血甚好方見損

敷貼 五黃散治杖疼定痛

黃丹 黃連 黃芩 黃柏

大黃 乳香已上各等分

右為細末新水調成膏用緋絹帛上攤貼

沒藥散治杖瘡止痛令瘡不發

蜜陀僧 沒藥 乳香各一兩 乾胭脂一兩

臙粉半

右細末次入龍腦少許若多更妙燒葱與羊骨髓生用

同研如泥攤在緋帛上貼之

杖瘡痛用黃柏生地黃紫荆皮敷此皆要藥也只是血

熱作痛用涼藥去瘀血為先須下雞鳴散之類見雞鳴散方

掛條本草紫

刺破宿血

又方用生地黄黃柏童便調傅或加菲汁不破者以菲

菜葱頭杵碎冷即易之膏藥用紫荆皮乳香沒藥生地黃

大黃黃柏之類 又方用木耳盛於木杓內用沸湯浸爛

攪水令乾於砂盆內搗細傅瘡上 又方用大黃黃柏為

末生地黄汁調傅如乾再傅 又方用野苧根嫩者不拘

多少洗淨同鹽併搗傅在瘡上神妙傷重多用鹽

杖瘡丹用劉寄奴末六錢馬鞭草末四錢蜜調傅如濕

者乾摻馬鞭草即鐵筆

帶此方甚妙

初發治

凡湯火傷急向火炙雖極痛強忍一時即不痛慎勿以

冷物塌之及井底泥傅之使熱氣不出爛入肌肉

丹火燒以好酒洗之又以鹽傅其上如皮塌者以酒熬牛

皮膠傅之 如湯傷以淋過第二次灰查傅立安 熱酒

傷糯米粉炒黑米酒調傳之  
治湯火灼未成瘡者用艾  
白根燒灰雞子黃和傳之如成瘡用白蜜封之以竹中膜  
貼上日三

世治湯火瘡麩皮炒黑灰為末傳上神妙此方有補性始  
終皆可用  
治湯火瘡取舊烹銀爐中燒過焦黃土研細  
如粉以生姜調於帛上貼之痛止一方用溶銀鍋子細末  
油調傳佳

十治火瘡未起梔子仁燒灰麻油和其厚乃佳已成瘡  
燒白糖灰粉傳之燥即痊用白糖  
葛氏方

中治  
保生救苦散治火燒熱油所損或至肌肉亦脫一切犬  
齒損傷并刀斧所傷用生寒水石不計多少為極細末調  
塗之或乾上然不如油調其痛立止並不作膿無分毫厚  
苦楚日近完復永無被傷風症

精水霜散治火燒皮爛大痛

寒水石生

牡礪燒

朴硝

青黛

輕粉各等分

右為細末新水或小油調塗立止

治湯火所傷赤爛熱痛

赤石脂

寒水石

大黃各等分

右為末以新汲水調塗傷處

丹治火燒

桐油

水銀各等分

右二件以柳條不住手攪成膏再入大黃末石膏末和  
以牛皮膠入少水溶開外用貓兒肚底毛細剪搽上貼  
之

羅綠白散治湯火燒疼痛用苦參不拘多少為細末每  
用以小油調搽

補傳

精凡被湯熱油痛不可忍取廁下黑淤泥量傷大小斟酌多少次以老姜汁麻油十分之一共研令勻搽傷處立愈世以青黛傳之妙

丹治湯火瘡爛者以黃蜀葵花落者淨器收之入水些少待爛成水傳上神妙熱油澆外痛以蜜傳之立安梅師方

本治火瘡敗壞用雲母粉同生羊髓和塗之

經治湯火瘡至妙用劉寄奴為末先以糯米漿雞翎掃傷處後搽藥末在上並不痛亦無痕大凡湯傷先用鹽末搽之護肉不壞然後傳藥又方以榆白皮末猪脂油塗瘡愈

世治火湯瘡先以酒洗次以楊梅樹皮為末香油調傳治湯火瘡用髮一束香油煎以髮盡為度放冷搽患處驗

小治中熱油及火燒除外痛以丹參八兩細剉以水微調

取羊脂二斤煎三上三下以傳瘡上愈梅師方同治湯火如聖膏用雞子黃十箇入銀石器內熬自然油調好粉傳之愈

竹木刺入肉

雜方數

精凡諸竹木刺入肉中不出以鱉鱉研傳立出又方用

白茅根搗傳之立出又方嚼牛膝根罨之即出

簡治竹木刺扎入深不得出用烏羊糞搗爛水和罨于傷處厚傳之曾有庄僕腳心中刺不得出苦痛欲死以此細黃昏傳之至四更其刺出遂安

山蘆葦刺入肉者細嚼栗子查盒傷處木竹刺已出痛者鱉鱉罨之妙

簡治針入肉不出用鱉鱄腦子同硫黃研細調傳以紙花貼定如覺癢時其針自出

內服方

羅神聖膏取針候入皮膚用車脂不拘多少成膏攤紙上如錢許二日一換三五次其針自出又取針候入皮膚用烏鴉翎三五枚火灸焦黃色碾為細末好醋調成膏子塗在瘡上紙蓋一二時針出効

簡治針入肉不出用雙仁杏仁搗爛以車脂調勻貼在瘡上其針自出

世治秀針刺足已出痛者用黃泥糞之

簡主小兒誤為諸骨及魚骨刺入肉不出者水煮白梅肉研爛調象牙末厚傅骨刺處自軟

圖生象牙主諸物刺入肉刮取屑細研和水傅瘡上刺立出如咽中刺用水調飲之舊象梳屑尤佳

孟魚骨在肉中不出者嚼吳茱萸封之骨當爛出

丹破傷風血凝心針入肉游走三症如神方用烏鴉翎燒

灰存性研細調一錢服

箭頭入肉

雜方

精治箭鏃入骨不可拔者

巴菝去壳 蜷螂

并研勻塗所傷處須臾痛定又微痒悉之待極痒不可忍便撼動箭鏃拔之立出經驗方同

潔出箭頭方

蜷螂不拘多少全用麝香

右為極細米撥動箭頭擦瘡口內

羅躑鐵膏取箭頭一切針刺入肉盡皆治之

鷓鴣頭一個或入

土消虫付 巴菝

醬瓠焙

夏枯草

礶砂

磁石

鱧鮓四十 羌青兩

馬肉內焙 乾信

黃丹 地骨皮 蘇木 蹠躑各一

石腦油兩 蒿柴灰汁三升

右將石腦油蒿柴灰汁文武火熬成膏次下地骨皮等未令勻磁器內收臨時用量瘡勢大小點藥良久箭頭自湧出

萬全神應丹出箭頭魚骨針麥芒等遠近皆治之

葇荂科即天仙子苗也

於端午日前一日持不語戒遍尋上項科見即取酌中一科根枝葉實全者日道先生爾卻在這裏道罷用柴灰自東南為頭圍了用木篋子搬起周迴七次白端午日日未出時依前持不語用木搬只一搬取出水洗淨不令婦人雞犬見淨室中石臼內搗為泥丸如彈子大以黃丹為衣以紙袋封懸在高處陰乾若有箭不能出者以緋絹袋

盛此藥一丸放臍中用綿裹肚繫定先用象牙末貼瘡上後用此藥若箭瘡口生合用刀子微刮開以象牙末貼之隨出陝西行省出軍曾用有效

精孫真人治箭鏃在咽喉胸膈及針刺不出方以蟻粘搗取汁滴上三五度箭頭自出

本療鏃不出搗瓜萋根傳瘡日三易自出

世李渤治箭鏃不出及惡刺以齒泣和鶴風傳之

姚壽節有二種交廣夷俚用礁銅作箭此一種纜傷及便悶膿沸爛而死者中之用飲屎汁并以傳之亦可惟此最

妙又有一種用射菌以塗箭鏃人中之亦困若着竟處不

死近腹亦宜急治令葛氏方治射菌者是葛氏方用藍汁大豈猪羊血解

漆瘡方

漆瘡方

雜方

千療漆瘡方用湯浸些硝冷洗之又礬石亦可

丹漆瘡通身面自腫者亦治苦菜五月五日採曝乾食療

云生食亦可漢椒湯洗之妙 生姜真汁傳亦可芙蓉煖

世治漆瘡用生紫蘇摩擦之累效 又方用入乳汁傳之

妙 再即瘡

真治漆瘡取荷葉乾者一斤水一斗煮取二升洗瘡上即

再即瘡

山漆瘡無名異水調傳

通治諸般惡虫蛇咬 毒蛇咬 蜈蚣咬 蠼螋

咬 蝎咬 蜂螫 斑蜘蛛咬 刺毛蚯蚓蟻咬

羅聖惠治蛇咬蝎螫蚤咬妙

雄黃 信 皂角子 巴豆各四十

麝香各少

右五月五日不聞雞犬婦人處不語搗為細末在杏子

核內封之針挑出上痛處大有神效

世治一切蛇虫傷貝房末酒調服効詳見

聖治惡虫咬以酥和鹽傳之瘡

山諸般惡虫咬以油浸紫草塗之

丹治蛇咬蚤咬惡虫咬猪膏每搗汁傳陳藏器

海治蝎蜘蛛毒雞卵殼敲一小孔合咬處即瘡

勝治毒蛇分射工沙風等傷眼黑口噤手脚強直毒攻腹

內成塊途巡不救用蒼耳嫩葉一握研取汁温酒和灌之

將滓厚卷所傷處

簡治毒蛇射工沙風等物傷着人眼黑口噤手足強直毒

氣入腹

白礬 甘草等

毒腹者服藥

右為細末每服二錢冷水調下

毒蛇咬

切傷解毒法

丹治毒蛇傷急以小便洗出血次取口中唾塗之又以牙

山居云用犬糞

近封傷處傳而護之甚妙且不痛腫傳患處亦佳

世路行卒被蛇咬當急扯其脚帶扎縛傷處上下寸許使

毒氣不能散傷肌體又急用白礬安刀頭火上滾汁沸酒

於傷處待冷以長篦子速挑去腐則毒血隨出腫尚未

退更滴之以退為度村居山僻及途中夜行卒被蛇傷

咬難求白礬處速作艾炷灸五壯以唾調鹽塗之如腫

尚未消釋當更灸更搽毒涎自然流出且不透裏傷人

咬亦宜灸

世治一切毒蛇咬用透明雄黃研細末以醇酒濃調厚搽

傷處水流出如涎痛腫即消一方以黃芩汁和雄黃末作

雄黃白芷為蛇傷要藥

餅子候乾為末每用少許貼瘡口立効

街有人被毒蛇所傷已昏因有老僧以酒調藥二錢灌之

遂甦及以藥滓塗患處良久復灌二錢其苦皆去問之乃

五靈脂一兩雄黃半兩同為末止此耳後有中毒者用之

無不効驗

世治毒蛇所傷

細辛錢 香白芷錢 雄黃錢

右為末加麝香少許每服二錢温酒調服効

丹治一切蛇咬用香白芷嚼碎傳患處又用温酒調服効

雜方

世治一切蛇虫所傷用貝母為末酒調令病人盡量飲之

頃久酒自傷處為水流出候水盡却以藥滓傳瘡上即愈

治蛇咬腫毒悶欲死者用重薑六分續隨子六顆去皮同

為細末以酒服方寸匕又以唾調少許傳患處立安離此

方 又方用白礬二錢服之防毒氣攻心 又方金線重樓以水磨少許傳咬處 又為細末酒服之 又方用柏樹葉魚腥草地松節皺面草草決明共二處研細傳傷處極佳

海治蛇虺咬人以獨頭蒜酸漿草搗汁傳咬處佳

海治蛇咬男子陰毛口含二十莖嚼其津毒不入腹

世治諸般蛇咬此傳之於擒蛇者藥味不全亦可

大青 小青 青木香 烏柏葉

火炊草 山蕨朮 過山龍 地蜈蚣

天門冬 白芍藥 香薷

右細末用白木香研細生白酒調服查毒咬處累效

聖治蛇咬毒食茱萸一兩為細末冷水調分為三服立瘥

冊治蛇毒蛇菜蔣草根灰取以封之其草即野茭白是也

廣齊 蛇咬作瘡暖酒浸日三次 廣利 蛇入人口并陰

孔中者割猪母尾頭瀝血着口中并孔口上即出

聖治因熱取涼睡有蛇入口中挽不出者用刀破蛇尾內

生椒二三粒裹着即出

世治卒為蛇繞不解以熱湯淋之無湯令人尿之 蛇咬

忌食酸物梅子犯心大痛

蜈蚣咬

雜方

世治蜈蚣咬生雞血傳上立愈累效一男子為蜈蚣入咽

喉中咬之垂死之際一醫令殺生雞血乘熱灌喉中蜈蚣

即出而愈實良方也 又方用雞糞塗之 又方治蜈蚣

諸毒重傷麻油點燈於瘡口上對口薰之登時愈 又法

大油紙燃燒燈吹滅以餘烟燻之 治蜈蚣咬竹葉清研

汗傳之立愈 又方用南星磨汁傳之累效

醫方綱目卷下

卷下

梅治蜈蚣咬痛不止獨頭蒜磨螫處立愈  
聖治蜈蚣咬方用蝸牛搗取汁滴入咬處  
孫蜈蚣咬取蜘蛛一枚安咬處當自斂毒如蜘蛛死而痛  
未止更易生者

丹蜈蚣咬嚼鹽傳其傷處次以鹽湯洗之梅師方蜈蚣咬  
頭垢塞之不痛則痒治蜈蚣咬及諸虫咬毒先用鞋底  
上擦之用大蒜小蒜桑葉葉傷處如無用油鼓盪傷處或  
藍靛塗之亦效治蜈蚣毒虫咬用桑枝沐同鹽擦痛  
處或溶黃蠟滴患處肉黑為度又方用皂角於咬處上  
用艾灸熱去之效

蠼螋咬

丹治蠼螋尿成瘡初如粟漸大如豈如火燒泡大痛者速  
以草茶細末生油調傳瘡上立止甚妙又方猪膏功搗末  
傳之草茶即傳末

雜方

也治雨點蠼螋瘡用百合搗爛入鹽少許傳之效

千治蠼螋尿入影着便令人病瘡如粟粒蠼螋痛必刺虫  
所螫惡寒壯熱用犀角磨汁塗之則愈

世蠼螋虫又名八脚虫隱壁間以尿射人遍身生瘡如湯  
火傷用烏雞翎毛燒灰雞子白塗之治小兒蠼螋咬遠  
腹匝即死用梨葉研爛傳之

食蠼螋尿瘡鹽三升水一斗煮取六升以綿浸湯塗瘡上  
錫咬蜂螫

雜方

雄黃消毒膏治蝎螫不可忍

雄黃 信各半 巴豆三錢 白礬生一兩

右為細末黃蠟半兩溶開入藥攪勻為錠子如棗子大  
用時將錠子於燈焰上炙開滴於螫處其痛立止  
一上散治蝎螫痛

半夏一字生用 雄黃另研 巴豆一个去皮研如泥  
右三味同研和勻上之 治蝎毒用溶化白糝乘熱滴傷處痛止毒出

廣治蝎螫人研蜘蛛油傳之瘡

山蝎螫苦曹汁塗之

世治蝎螫地磨生薑塗之 又方南星米醋調擦之

治蜂螫薄荷貼之瘡 又方蜂蝎螫人用人參嚼以封之

聖治蜂螫人以酥傳之愈

班蜘蛛咬

雜方 張薦昔在劍南為張延賞判官忽被班蜘蛛咬項上二宿咬處有二道赤色細如筋繞項上從曾前至心經一宿頭面腫疼如數升益大肚漸腫幾至不救張相素重薦昔官

家財五百千為薦家財五百千其能療者忽一人應召云可治張相初不甚信欲驗其方遂令日前合藥其人云不惜方當瘡人性命耳遂取大藍汁一甕碗取蜘蛛投入藍汁良久方出甚困不能動又別搗藍汁復加麝香雄黃和之更取一蜘蛛投汁中隨化為水張相及諸人甚異之遂令點於咬處兩日內悉愈但咬處作小瘡如落如舊

海蜘蛛咬遍身成瘡用青葱葉一莖小頭作一孔盛蚯蚓一條捏兩頭不令透氣搖動化為水點咬處瘡

丹蜘蛛咬處嚼韭白傳之

山蜘蛛等諸般虫咬用葛粉生薑汁調傳

經蜘蛛咬唾和山荳根末塗之狗咬蛇蟬瘡蛇咬並水研山荳根傳之火蠟也蠟即蠟 又方蜘蛛咬一身生絲半乳一件飲之

沈存中秦皮一味治天蛇毒此瘡似癩而非癩也天蛇卽  
草間黃花蜘蛛人被其螫仍爲露所濡乃成此疾以秦皮  
煮汁一斗飲之瘥

刺毛虫蛭刺蟻蝨咬

雜方  
春夏月樹下墻塹間有二等雜色毛虫極毒凡人觸着  
者則放毛入入手足上皮膚至肉自肉至骨其初皮肉微  
痒以漸至痛經數日痒在外而痛在內用手抓搔或痒或  
痛必致骨肉皆爛有性命之憂此名中射工毒諸藥不効  
用好豈豉約一碗清油半盞拌豉搗爛厚傅痛痒處經一  
時久破氣透骨則引出虫毛紛紛可見取下豈豉埋在土  
中煎香白芷湯洗痛處如肉已爛用海鯨鮫卽烏賊魚骨  
爲末傅之愈 一方取蒲公英根莖白汁傅之立瘥  
又方用鍋底黃土爲末以酸醋捏成團於痒痛處搓轉其

毛皆出在土上痛痒立止神効無比黃土卽伏龍肝也 治蝨蟻

吹用老茶葉細末調傅

治蝨刺咬如大風狀眉善音落夜則蝨刺鳴於身上膿  
作鹽湯浸數次安傳信

昔有病腹大夜聞蝨刺鳴於身有人教用鹽水浸之而  
愈

聖治蝨蝨咬用榭葉燒灰細研以泔水浸榭葉取洗瘡拭  
之納少許灰於瘡中 又方治蝨蝨咬用石灰醋和塗

山居蝨咬用芋汁塗之  
附猪馬畜瘡

馬虎能咬人犬咬 癩犬咬 驢涎馬汗瘡

雜方

山馬咬細嚼栗子傳傷處

聖治馬咬毒入心馬齒煎湯食之瘥

世治虎咬用野生菜搗爛塞所傷孔中滿不必換自然新肉長出而愈曾有人被咬已死用此方治之

丹熊虎傷毒痛煮生鉄令有味以洗之梅師方 虎傷入瘡取

青布敗捲燒一頭內竹筒中煎瘡口冷烟薰入瘡口中佳

世虎傷人瘡用葶子葉按本草葶子葉即指膏毒能治虎犬咬傷 細塗之

丹熊傷人燒青布薰瘡中毒出仍煮葛根濃汁以洗之凡

十次并搗葛根為散煮葛根汁方寸匕日五服瘥

世鼠咬用貓兒毛燒灰傳之立愈

丹鼠咬用麝香傳包之

山人咬傷用龜板或鱉甲燒為灰末以香油調傳

雜方

犬咬

犬咬人尿傳之 犬咬人以頭垢傳傷處又用熱牛糞

塗於外

犬傷人用杏仁量所傷大小嚼爛沃破處以帛繫定立

瘥

世治犬咬用杏仁去皮尖同馬蘭根研細先以葱湯洗後

以此藥塗傷處効 治犬咬傷用草麻子五十粒去殼以

井水研成膏先以鹽水洗咬處次以此膏敷貼于方用虎

骨屑傳之 治犬咬人不要洗用紅炭火以物擊細待冷

取塗咬處即愈 治犬咬用黃荆葉搗碎瘡上即安 又

方灸生姜乘熱擦之尤妙

丹狗咬用紫蘇葉口嚼碎塗之 犬咬破傷風腫以人參

於桑柴火上燒成灰末傳之安

羅蟬花散治夏月大傷及諸般損傷蛆虫極盛臭惡不可近者

蛇退皮一兩火燒存性

蟬殼

青黛半

細辛二錢五分

右為細末每服三錢酒調下如六畜損傷成瘡用酒灌下如犬咬傷用醋子和喫蛆皆化為水蠅子不敢再落又以寒水石末乾按上

癩犬咬

表裡治法

定風散治風犬咬先口噙藥水洗淨用綿拭乾貼藥更不再發大有神効

天南星生

防風各等

右為細末乾上更不再發無膿効不可具述

治犬咬梔子皮燒灰石硫黃等分研細傳瘡梅師方

治風狗咬用桃核殼半箇將野火乾糞填滿以榆皮蓋定疊於傷處又用艾於桃核上灸十四壯即愈永不復發

或用野犬糞如前法灸之

風狗咬即用犬糞塗仍拔去頂上紅髮

癩狗咬方用斑貓七枚去頭足翅以糯米少許於新瓦上同炒以米黃香為度去米不用以斑貓研碎好酒調下能飲久再進酒一盃傷在上食後服在下空腹服當日必有毒物從小便出如小狗狀如未下次日再進亦不下又進以毒物出為度若進至七服雖不下毒亦不妨矣服藥後腹中必不安小便莖中刺痛者不必慮此毒受攻將下耳痛甚者以蕪青一匙煎甘草湯送下即止如無蕪青青黛亦可疾愈後急以香白芷多雜黃少許為末搗韭根自然汁湯酒調下去班貓毒以水淨嗽口嚼生葱白瘡傷處

留小竅子出毒氣不可用他草藥忌大猪羊及發風毒物不見量歲數加減斑猫食癩狗肉致病者治同即愈或過二三年再發治如前治癩狗所傷用斑猫二十一箇去頭翅并足用糯米一斗先將七箇入米內微火炒不令采赤去此斑猫別用七箇再於前米內炒冷斑猫色復去之又別用七箇如前法炒以米出青烟為度去斑猫不用以米研為粉用冷水入清油少許空心調服頃又再進一服以小便利下惡物為度如不利再進一服利後腹肚疼痛急用冷水調青酸服之以解其毒否則有傷或煎黃連水亦可不宜便食熱物或以益元散水調服尤妙

風狗咬取小兒胎髮炒香傳野菊花研細酒調服盡醉止效

治癩犬所傷或經久復發無藥可療者用之極驗

雄黃色極明者五錢

麝香五分

右研勻用酒調二錢服如不肯服者則燃其鼻而灌之服藥後必使得睡切勿驚起任其自醒候利下惡物再進前藥則見效矣

丹痴犬咬入搗地黃汁飲之并塗瘡口愈 又方煮地榆汁飲之兼細末傅瘡上服方寸匕日三忌酒若瘡癢者搗生韭汁飲一二升後梅師用 風犬咬後毒發如狗叫聲於化入壇拾頭頂骨燒末傅之 風狗咬毒發如狗叫者百方不治以入骨燒末之水下方寸匕雖煩亂者亦治

鹽涎馬汗瘡

雜方  
丹鹽涎馬汗入瘡腫漸甚可急治之遲則毒深不治以生烏頭朱傅瘡口上良久黃水出立安  
世治鹽涎馬汗入瘡用遠志去心為末酒調塗 又方用

冬瓜青皮陰乾為末貼瘡上 又方馬汗入肉毒氣引入  
如紅線者急用烏梅肉爛塗瘡上 一方用烏梅和核  
爛研用好醋和成膏先將瘡口針破出毒紫紅血拭乾傳  
上以帛縛定 王氏治驢涎馬汗毒所傷白礬飛過黃丹  
炒令紫色各等分相裹各以貼患處 治瘡毒  
馬齒莧又主馬毒瘡以水煎令服二升一坐塗瘡上  
濕癬白禿以馬齒莧和灰塗効 治瘡毒

雜方

附猪馬畜瘡 治猪畜瘡猪瘡方

蛇床子 剪草 白礬 苦參 巴莖末 加羯羊糞桐油和傳之 疔馬老鼠瘡二方 未詳

- 黃芪半一兩 甘草半 黃芩半酒炒 黃連生用
- 黃栢酒七 連翹半 蒼朮半 當歸稍
- 升麻略一 麻黃根八 防風二 澤瀉半
- 羌活 薤白各三

右為細末水二大碗煎至一碗冷灌之神効

馬老鼠出足陽明太陰經分野大渴小便多草墮

- 升麻半二 葛根一 連翹二 當歸身一
- 甘草炙一 蒼朮半一 黃栢半二 黃芩一
- 紅花紗 黃連分五 杏仁五 黃芪二
- 生地一 琥珀分三 麻黃冬月加猪苓
- 柴胡半一 白茯苓半一 澤瀉

右為細末每服半兩水二碗煎至一碗冷灌之

醫學綱目卷之二十尾

每瓶申兩水三錢...  
 以上此...  
 珠珀...  
 甘草...  
 丹...  
 黑...  
 本...  
 美...  
 丹...  
 加...  
 黃...



13  
50

